

教皇關心中華時辰

● 重申一九二六年通牒之言

● 教徒應服從政府獻身國家

現聞羅馬教宗樞機主教嘉恩巴利。特致電北平駐華代表剛恆毅。囑中國公教信徒。服從合法政府。以禱和平。茲覺原電全文如左。聖父宗教比約十一。與其諸可敬神昆中國諸司牧。及諸可愛之神子司鐸與教友之通牒。並令將此通牒宣布於偉大優秀之中華民國全體。教宗對於中華時局。始終極為關心。不惟首先對於中華完全以平等相待。且因有真摯與誠懇之同情。首次躬親視聖華籍主教於羅馬伯多祿大堂。今聞中華內爭已息。極為欣悅。並贊謝天主。所

虔求者。乃中華得享受永久而有益之和平。至此和平得現於國內外。而以仁愛公理為其基礎。為達此目的。教宗所切望者。乃中華民國應有之希望及權利。皆得完全認可（即列強認可）夫以中華人口之衆。超于世界任何民族之上。



當今教皇必約十一位

文化最古。日曾有偉大光榮之歷史。若按公理及秩序努力進行。則來日發展。偉大可量也。教宗希望中華公教教衆。對於中華之和平發達與進步。皆有所貢獻。並重申一九二六年六月十五日通牒之言。即對合法政府之恭敬與服從。向為吾公教所信仰主張及提倡。其傳教士及信徒所要求者。惟國民共有權利之自由及其保障。教宗特囑諸中國司牧着手組織及發展一切公教工作。以完成其傳教事業。使公教之男女信徒及尤屬可愛之青年。以其祈禱善言及善工。於其祖國之和平社會昌盛及發展有所貢獻。使聖經中之神聖而有益之主義。得傳布於世。並襄助諸司牧司鐸。以廣揚基利斯督之思想。及因基利斯督仁愛而得之個人與社會之幸福。教宗重申其對中華發達之希望。並為中華祈禱。懇求天主滿中華民國之志願。特慨然賦子汝衆。以聖父及宗徒之降福。樞機主教嘉恩巴利。一九二八年八月一日

● 閱教皇八月一日通牒後

之感想

近人喜說平等博愛，但能深得平等博愛之旨者，莫天主教皇若也，遠者姑勿論矣，就如一九一四年歐洲之戰，教皇曾諭令信眾誠心祈禱，以冀感動天心，照臨下土，銷除災劫，免罹兵凶，仁愛之情，溢於詞表，故吾謂其深得平等博愛之旨也。

或謂教皇意大利人也，歐洲之戰，兵連禍結，教皇深恐戰禍一再延長，則彼白種人日相殘殺，必致人口日少，財政日以困耳，倘我中國久罹禍亂，則教皇未必如是矜憐也，巴利致電北平駐華代表剛愷毅所云乎，至該電文，已誌本報，記者可不必贅述，但其言詞懇摯，想閱者覽及，亦必謂為仁者之言，則教皇對我中國之表示，較諸彼於歐戰時呼籲和平，同一仁愛耳，吾謂或者之言謬誤，非過當也。

尤有說者，吾閱該通牒之後，更生出數種感想，茲縷述如左。

◎ 國人應認真團結，毋自相殘，而負教皇

相愛之盛意，誠以教皇非我中國人，而彼見我國內亂平島，即欣悅而贊謝天主，并虔求保佑中國得永久和平，而更以列強政府之承認我國府為念，苟同是中國的同胞，而以自私自利之故，自相殘殺，則不特有負教皇相愛之盛意，抑且愛本國之心，不及及邦人之相愛，豈不良堪浩歎，而足引以為恥耶。

◎ 教皇之愛中國，是為真愛，何則，因為人自愛其國，則屬恆情，而能如教皇之愛及他國，則不多觀，即使社會主義者，倡平等博愛之說，亦不如教皇之真博愛，之真平等也，如俾斯麥之以國家社會主義籠絡國人，而壓迫弱小民族，固無論矣，又如法之巴甫，俄之烈寧，高談平等博愛以欺人，更無論矣，『蓋法國工業國也，巴甫甫，則提倡勞工，俄國農業國也，烈寧則提倡勞農，彼二人實欲得多數國人同情，以為攫奪政權之工具，對於其國人，非真具博愛平等之心，并且欲得弱小民族之同情，為其併吞世界之工具，故假借平等博愛為詞，究其實何嘗真具平等博愛之美意，至於乙丑之歲，俄國禁止張作霖運兵，其假面具揭破之後，則無人不知